



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-04-47661-18/21  
Sarajevo, 13.01.2022. godine

**SKUPŠTINA KANTONA SARAJEVO**  
**-OVDJE-**

**Predmet:** Odgovor na zastupničku inicijativu zastupnice Jasne Duraković, dostavlja se

Zastupnica Jasna Duraković je na nastavku 46. Radne sjednici Skupštine Kantona Sarajevo održanom dana 27.12.2021. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila je zastupničku inicijativu koja glasi: “Upućujem inicijativu Vladi KS za usklađivanje Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (“Službene novine Kantona Sarajevo”, broj 37/20 od 17.09.2020. god.) sa članom 14. Zakona o pravima branilaca i članova njihovih porodica (“Službene novine Federacije BiH”, broj 54/19 od 31.07.2019. god.)

**Obrazloženje**

Članom 6. predmetne Uredbe propisano je da se vrednovanje iz ove uredbe vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ikupan broj ostvarenih bodova dodaje postotak od istih po kategorijama lica, te se na taj način favorizuju lica (branioci i članovi njihovih porodica) a što je suprotno članu 14. tačka 4. Zakona o pravima branilaca i članova njihovih porodica kojim je propisano da se pri zapošljavanju licima iz člana 2. ovog Zakona osigura prednost pod jednakim uslovima, što znači da kandidat po ovom osnovu može imati prednost samo u slučaju ako ima isti broj ostvarenih bodova kao i drugi najuspješniji kandidat. Međutim, Uredba koja je na snazi favorizuje kandidate po ovom osnovu i često se dešava u praksi da se diskriminiraju najuspješniji kandidati, te je neophodno hitno uskladiti Uredbu sa Zakonom kako bi se otklonila diskriminacija.

Na pokrenutu zastupničku Inicijativu dajemo slijedeće

**IZJAŠNJE NJE**

Ministarstvo za boračka pitanja Kantona Sarajevo po pitanju upućene inicijative ističe slijedeće: Odredbama člana 1. Uredbe o jedinstvenim kriterijima i pravilima za zapošljavanje



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) (u daljnjem tekstu: Uredba) propisano je da jedinstvene kriterije i pravila za zapošljavanje branilaca i članova njihovih porodica primjenjuju kantonalni organi uprave i kantonalne upravne organizacije, Grad Sarajevo, općine u Kantonu Sarajevo, kao i sva pravna lica čiji je osnivač Kanton, Grad Sarajevo ili općina, odnosno ukoliko se finansiraju iz budžeta sa učešćem od najmanje 25%.

Članom 3. stav (2) Uredbe definisani su korisnici prava u smislu ove Uredbe i to: članovi porodica šehida/poginulih, umrlih i nestalih branioca prvenstveno djeca, ratni vojni invalidi i njihova djeca, supruge ratnih vojnih invalida, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo.

Dalje, članom 5. Uredbe propisano je da lica iz člana 3. ove uredbe imaju pravo na prvenstvo pri zapošljavanju, a na evidenciji su JU "Služba za zapošljavanje Kantona Sarajevo" ili su zaposlena na određeno vrijeme ili su zaposlena sa nižom stručnom spremom od one koju posjeduju, kao i da kandidati moraju ispuniti sve uvjete propisane osnovnim zakonom da bi se izvršilo vrednovanje korisnika prema Uredbi.

Odredbama člana 6. Uredbe propisano je da se vrednovanje korisnika vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih.

Članom 23. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 18/21-Novi Prečišćeni tekst) uređen je prioritet u zapošljavanju i isti glasi: "Lica iz člana 1. i 2. ovog Zakona ostvaruju pravo na prvenstvo pri zapošljavanju, a pritom prioritet imaju djeca šehida-poginulih branioca, umrlih ratnih vojnih invalida i umrlih dobitnika ratnih priznanja i odlikovanja.

Kantonalni organi uprave i kantonalne upravne organizacije, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su prilikom prijema u radni odnos obezbijediti prioritet licima iz člana 1. ovog Zakona, kao i članovima uže porodice ratnog vojnog invalida.

Vlada Kantona posebnim propisom uređuje uvjete, kriterije i pravila utvrđivanja prednosti pri zapošljavanju kategorija koji po ovom zakonu ostvaruju to pravo, te propisuje kaznene odredbe za



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

subjekte iz stava 2. ovog člana koji ne poštuju odredbe ostvarivanja prednosti pri zapošljavanju ovih lica."

Članom 14. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19) propisana je prednost pri zapošljavanju, stavom (2) propisano je da su federalni, kantonalni, gradski organi, kanton, grad ili općine dužne prilikom prijema u radni odnos osigurati prednost licima iz člana 2. tog Zakona, tj. demobiliziranim braniocima, a stavom (4) da su subjekti iz ovog člana dužni uskladiti svoje akte i propise i donijeti provedbeni propis kojim se reguliše prednost pri zapošljavanju, na način da se licima iz člana 2. ovog (demobiliziranim braniocima) osigura prednost pod jednakim uslovima.

Kako je već navedeno predmetnom Uredbom utvrđeni su kriteriji i pravila u cilju ostvarivanja prvenstva pri zapošljavanju određenih kategorija braniteljske populacije, između ostalih i demobiliziranih branilaca i njihove djece sa područja Kantona Sarajevo, te su utvrđeni dodatni bodovi u vidu postotka od ostvarenog broja bodova. Vlada Kantona Sarajevo je na prijedlog ovog Ministarstva donijela predmetnu Uredbu sa ciljem da se pripadnicima ove populacije i njihovoj djeci omogući prednost prilikom zapošljavanja.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

